



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj: 01-GV-02-1404/21  
Sarajevo, 04.11.2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na Osmoj sjednici održanoj dana 04.11.2021. godine, primilo je k znanju

Informaciju o realizaciji Sporazuma o regulisanju međusobnih prava i obaveza na realizaciji hitne sanacije armiranobetonske stropne ploče na zacjvljenom dijelu Bistričkog potoka na okretnici Trg Austrije.

***PREDSJEDAVAJUĆI GRADSKOG VIJEĆA***

*Jasmin Ademović, s.r.*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

*INFORMACIJA*  
*O REALIZACIJI SPORAZUMA O REGULISANJU MEĐUSOBNIH PRAVA I*  
*OBAVEZA NA REALIZACIJI HITNE SANACIJE ARMIRANOBETONSKE STROPNE*  
*PLOČE NA ZACIJEVLJENOM DJELU BISTRičKOG POTOKA NA OKRETNICI*  
*TRG AUSTRIJE*

*Sarajevo, oktobar 2021. godine*

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## **1. UVOD**

Bistrički potok, kao jedna od značajnijih pritoka rijeke Miljacke, je zacijevljen još za vrijeme Austro-ugarskog perioda. U skladu sa obavezama Grada Sarajeva na održavanju vodotoka, pristupilo se aktivnostima na veoma zahtjevnom i opasnom geodetskom snimanju zacijevljenja. Nakon snimanja, izrađen je Glavni projekat sanacije Bistričkog potoka koji će služiti za buduće izvođenje neophodnih radova. Izdata je urbanistička saglasnost, privode se kraju ishodovanja saglasnosti od nadležnih komunalnih institucija, nakon čega slijedi pribavljanje građevinske dozvole.

Tokom izvođenja radova na asfaltiranju saobraćajnice na lokalitetu Austrijskog trga, koje izvodi Direkcija za puteve Kantona Sarajevo, došlo je do urušavanja dijela stropne ploče zacijevljenja Bistričkog potoka, uslijed neadekvatne debljine iste. Ovo oštećenje je evidentirano u glavnom projektu sanacije zacijevljenog Bistričkog potoka. Budući da se radi o lokalitetu na kojem je prisutan frekventni saobraćaj, a naročito trolejbusni, Grad Sarajevo je zaključio sporazum sa Općinom Stari Grad Sarajevo za realizaciju hitne sanacije armiranobetonske stropne ploče na zacijevljenom dijelu Bistričkog potoka na okretnici Trg Austrije.

## **2. PODUZETE AKTIVNOSTI**

Sporazum o regulisanju međusobnih prava i obaveza na realizaciji hitne sanacije armiranobetonske stropne ploče na zacijevljenom dijelu Bistričkog potoka na okretnici Trg Austrije, zaključio je Grad Sarajevo sa Općinom Stari Grad Sarajevo u septembru mjesecu. Ugovorne strane su se usaglasile da implementator projekata bude Općina Stari Grad Sarajevo. Grad Sarajevo će projekat hitne sanacije finansirati u iznosu od 15.000,00 KM, a koja su obezbjeđenja u Budžetu Grada Sarajeva za 2021. godinu na poziciji 614 100 – Obnova i rekonstrukcija Bistričkog potoka, a Općina Stari Grad Sarajevo obezbjediti će ostatak neophodnih sredstava za konačnu realizaciju gore navedene hitne sanacije. Općina Stari Grad Sarajevo se obavezuje, u skladu sa odredbama Zakona o javnim nabavkama, provesti procedure izbora izvođača i dodjelu ugovora za izvođenje radova te će obezbjediti potrebnu dokumentaciju, investiciono-tehnički nadzor nad izvođenjem radova, kao i praćenje i prijem izvedenih radova.